

21
93-5
1

周氏醫學叢書

第二十三冊



增輯難經本義



曾

北

無錫國學專修學校藏



廿五年度教育部補助費購置

仲秋
校刊



難經本義序

素問靈樞醫之大經大法在焉後世諸方書皆本於此然其言簡古淵涵未易通曉故秦越人發爲八十一難所以推明其義也然越人去古未遠其言亦深一文一字意周旨密故爲之註釋者亦數十家但各以臆見而卒無歸一之論或得此而失彼或舉前而遺後非惟自誤又以誤人識者病焉許昌滑君伯仁篤實詳敏博極羣書工於醫者三十四年起廢愈痼不可勝紀遂晝惟夕思旁推遠索作難經本義二卷析其精微探其隱蹟鈎其玄要疑者辨之誤者正之諸家之善者取之於是難經之書辭達理明條分縷解而素問靈樞之奧亦由

是而得矣夫人之生死係於醫醫之本原出於經經之
旨不明其害可勝言哉然則伯仁之功豈小補者耶
至正二十六年二月工部郎中揭泂序



南京中医药大学图书馆版权所有

難經本經序

醫之爲道聖矣自神農氏凡艸木金石可濟夫天死札
瘥悉列諸經而八十一難自秦越人推本軒岐鬼與區
之書發難析疑論辯精詣鬼神無遁情爲萬世法其道
與天地並立功豈小補也哉且夫人以七尺之軀五臟
百骸受病六氣之沴乃繫於三指點按之下一呼一吸
之間無有形影特切其洪細濡伏若一髮苟或謬誤則
脈生而藥死之矣而可輕以譚醫而可易以習醫邪寓
鄞滑伯仁故家許許去東垣近蚤爲李氏之學遂名于
醫予雅聞之未識也今年秋來遺所譌難經本義閱之
使人起敬有是哉君之精意於醫也條釋圖陳脈絡尺

寸部候虛實簡而通決而明予雖未嘗學而思亦過半
矣嗚呼醫之道生道也道行則生意充宇宙澤流無窮
人以壽死是則往聖之心也世之學者能各置一通於
側而深求力討之不爲良醫也者幾希烏乎越人我師
也伯仁不爲我而刊諸梓與天下之人共之是則伯仁
之心也故舉其大指爲序

至正七十五年龍躔甲辰十月旣望翰林學士承旨榮
祿大夫知制誥兼修國史張翥序

難經本義增輯序

難經繼靈素而起爲醫經之正宗前人久無異議至徐靈胎氏乃摘其紕繆甚眾丁履中氏乃移其篇第託言古本金山錢錫之又因脈經引扁鵲語不見難經引難經語不稱扁鵲疑難經非越人書也其言皆新奇可喜而未察其實也夫難經非全書也非因內經之難明而有意詮釋之也古之習於內經者心有所會撮記旨要以期無忘焉耳故有直抒所見不必出於內經者有竟取經文爲問答絕不參以己說者察其所言皆內經之精髓不易之定法其於大義已無不賅而不必如內經之詳且備也讀內經者必及難經非讀難經即可廢內

經後世厭內經之繁而難通但取難經而索之無怪其
 窒而滋之惑也卽如一難爲全書開宗作者豈肯率爾
 爲之乃後人攻擊逐句皆疵夫寸口獨取豈曰三部不
 參榮衛相隨詎云晝夜同道況難經之有功於軒岐而
 大賚於天下萬世也在於發明命門猶程子謂孟子之
 有功於聖門在發明性善也而後人卽以此爲詬病將
 亦謂性善之說不見於論語而斥之耶內經三部九候
 但言身之上中下至越人始兼以寸關尺浮中沈言之
 自是寸口診法始精而備萬世不能易矣前有岐伯後
 有越人皆醫中之開闢草昧者也自宋以來註難經者
 二十餘家滑氏以前多不可見僅見明王九思所輯今

讀其詞多繁拙而少所發明至滑氏始能曉暢徐氏雖好索癥猶可引人以讀內經也張天成氏丁履中氏庸極矣丁氏尤多臆說今主滑氏本義其諸家之議可互發者附之偶參鄙見則加按以別之夫豈敢謂能羽翼經旨也以視夫庸詞臆說橫肆詆謾者當有閒矣請以質之海內之明於斯道者

光緒十七年歲次辛卯長夏建德周學海澂之記

徐氏曰諸家刊本簡首俱有圖像此起於宋之丁德用亦不過依文造式無所發明惟三十二難論昏嫁四十難論長生兩說須按圖爲易見然注自明備亦可推測而曉滑氏原書卷首備列諸圖今依徐氏刪

之激之又記

（The text in this section is extremely faint and largely illegible due to fading or bleed-through from the reverse side of the page. It appears to be a continuous block of vertical text columns.)



北京中医药大学图书馆版权所有

凡例

一難經正文周仲立李子埜輩擅加筆削今並不從
一紀齊卿於經中盛字多改作甚字豈國諱或家諱
有所避耶蓋昧於臨文不諱之義也今不從
一經中錯簡衍文辯見各篇之下仍爲缺誤總類以
見其槩

一八十一難經隋唐書經籍藝文志俱云二卷後人
或釐而爲三或分而爲五今仍爲二卷以復書志
之舊揚玄操復爲十三類以統之今亦不從說見
後彙攷中

一本義中引諸書者具諸書之名引諸家者具諸家

之名其無所引具及愚按愚謂者則區區之臆見也其設爲或問亦同

一本義引諸家之說有以文義相須爲先後者有以論說高下爲先後者無是二者則以說者之世次爲先後云

一難經八十一篇蓋越人取內經靈樞之言設爲問答前此注家皆不攷所出今並一一攷之其無可攷者於七難內發其例

彙攷引用諸家姓名

蘇氏

東坡先生

朱子

晦菴先生

項氏

平菴先生

柳氏

貫字道傳

歐陽氏

玄字厚功

廬陵人

謚文公

虞氏

集字伯生

蜀人

本義引用諸家姓名

張氏

機字仲景
著傷寒卒病論

南陽人

東漢長沙太守

王氏

叔和
著脈經

西晉太醫令

孫氏

思邈

唐京兆人



王氏

著外臺祕要

唐人

劉氏

著氣運論奧

宋人

龐氏

著補傷寒書

宋紹聖間蘄州蘄水人

劉氏

著方脈舉要

金明昌大定間東垣人

李氏

著內外傷辨等書

東垣高弟

王氏

著此事難知

吳太醫令

呂氏

難經註解

吳歙縣尉

楊氏

難經註釋

宋嘉祐間濟陽人

丁氏

難經補註

宋治平間陵陽人

虞氏

難經註

宋臨川人

周氏

與權字仲立
難經辨正釋疑



南京中医药大学图书馆版权所有

王氏

宗正字誠叔
難經註義

宋紹興人將仕郎試將作監
主簿

紀氏

天錫字齊卿
難經註

金大定間岱麓人

張氏

元素號潔古
藥註難經

金明昌大定間易水人

袁氏

坤厚字滴甫
難經本旨

元古益人成都醫學官

謝氏

縉孫字堅白
難經說

廬陵人元統間遼陽路官醫
提舉

陳氏

瑞孫字廷芝
其子宅之同著難經辨疑

元慶元人溫州路醫學正與

增輯引用諸家姓名

新增三家餘已見前

徐氏

大椿號洄溪一號靈胎
難經經釋

雍正間吳江人

張氏

世賢字天成一號靜齋
圖註難經

四明人

丁氏

錦字履中又號適廬老人
難經闡註

乾隆間雲間人

金丸

醫經

龍丸

龍丸

龍丸

龍丸

龍丸

龍丸



南京中医药大学图书馆版权所有